



Kuvendi i Komunës Klinë

01Nr. 06-22907 2023

17.07.2023

### PROCESVERBAL

Nga mbledhja e rregullt e punës së Kuvendit të Komunës të mbajtur me datë 26. 05. 2023 në ora 10:00 në Sallën e Kuvendit të Komunës.

Pjesëmarrës në mbledhje është kryetari i Komunës, z. Zenun Elezaj, nënkryetarja e Komunës, znj. Marqe Selamni, komandanti i policisë, z. Ragip Bytyqi, drejtorë të drejtorive, media lokale si dhe qytetarë.

**Mbledhjen e hapi z. Valmir Bacaj me autorizim të kryesuesit z. Fadil Gashi, i cili mungonte .**

z. Bacaj përshëndeti të gjithë të pranishmit dhe konstatoi që prezent janë 24 anëtarë të kuvendit duke pritur që të l bashkohet kësaj séance edhe Kushtrim Haliti dhe Besiana Gashi. Z. Bacaj tha se janë 6 pika të rendit të ditës shtu këtu edhe një pikë nga drejtoria FEZH-Raporti I dëgjimeve publike në lidhje me draft buxhetin.

Në lidhje me rendin e ditës fjalën e mori z. Zafer Gashi.

**z. Zafer Gashi:** Përshëndetje të gjithëve. Në lidhje me rendin e ditës e shoh që nuk ajnë future kërkesat që grupi kuvendar I LVV I ka dërguar me datën 17.05. 2023 për interpelancë. Kërkojmë sqarime pse nuk janë në rend të ditës këto kërkesa?

z. Valmir Bacaj, kryesues: Ne rendin e ditës e kemi pranuar me datën 15. 05. 2023 ndërsa kërkesat kanë ardhur me datën 17 dmth kanë ardhur pasi që është shpërnda njoftimi prandaj këto kërkesa për interpelanca do të mbesin për mbledhjen tjetër. Po ashtu një kërkesë tjetër ka ardhur gabim , ka ardhur nga qendra e LVV, znj, Mulaj. Do të duhej të ishte nga grupi kuvendar I LVV e jo nga qendra.

**z. Esat Raci:** Përshëndetje të gjithëve. Pasi që po mungon sot kryesuesi,. Ai e din që insistimi im ka qenë I vazhdueshëm që të raportohet nga komisioni për fabrikën e çimentos. Ju lutem që të ja thoni kryesuesit këtë.

**Rendi I Ditës me pikën shtesë vihet në votim dhe me shumicë votash MIRATIOHET.**

**Pika 1 e rendit të Ditës: Arsyetimi I mungesave**

Konstatohet që mungon kryesuesi pasi që është jashtë vendit si dhe Besiana Gashi e cila do të mbërrij së shpejti.

**Pika 2 e Rendit të Ditës: Shqyrtimi dhe miratimi i procesverbalit nga mbledhja e kaluar.**

z. Zafer Gashi, kishte vërejtje në lidhje me datën që shkruan në fillim të procesit dhe që është gabim. Po ashtu ai tha që me udhëzimin e kryesuesit që të zvogëlohet shkrimi i procesverbalit. Por këtu në ëproces nuk është cekur për dokumentet që kryesuesi ka thënë se janë pëlqime të dhëna nga Ministria. Mirë është që ato reshta të vendosen në proces.

z. Valmir Bacaj, kryesues: Tek pjesa e parë ke të drejt është një gabim teknik ndërsa për pjesën tjetër jo sepse është propozim i kryesuesit që të zvogëlohet procesi i shkruar.

**Me dy abstenim , asnjë kundër u miratua Procesverbali**

**Pika 3 e Rendit të Ditës:Shqyrtimi dhe miratimi i Rekomandimeve të KPF-së.**

Kryesuesi z. Bacaj tha se janë dy rekomandime. Një është në rend të ditës ndërsa tjetra është : Banorët e fshatit Shtupel, lagja Bakaj, rruga "Fadil Zhabota" kërkojnë që të shtohet edhe një pjesë e rrugës për emërtim .Ndërsa rekomandimi i KPF është që kërkesa për ndryshim të emrit të rrugës të dërgohet për shqyrtim tek komisioni për shqyrtim dhe emërtim të rrugëve.

z. Esat Raci: Ne si grup kuvendar të dy rekomandimet e KPF-së i mbështesim

z. Zafer Gashi: Vitin e kaluar ka qenë kërkesë e gr. Kuvendar të LVV që në bursa të përfshihen edhe nxënësit e dalluar përveç studentëve. Kërkojmë që kjo të realizohet në këtë vit.

z. Bacaj tha se buxheti për këtë vit është aprovuar, vitin tjetër me siguri që do të futen pasi që është edhe premtim i kryetarit.

**Me shumicë të votave, rekomandimet e KPF-së u MIRATUA**

z. Zafer Gashi për rekomandimet tha se nuk i vjen turp që ta përsëris premtimin e kryetarit të komunës që para 7 muajve , i cili kishte premtuar që për z. Sokol Gashi ta realizoj kërkesën e tij për ndihmë. Nëse e kanë kryer ju falënderoj por deri para pak ditësh nuk ka qenë.

Kryesuesi tha se kjo le të kaloj tek pyetje e përgjigje.

**Pika 4 e rendit të Ditës: Shqyrtimi dhe miratimi i propozim vendimit të DKA për ndarjen e bursave për studentët, formimi i komisionit për ndarjen e bursave.**

Kryesuesi tha se në këtë pikë do të marrin dy vendime . 1. Për vlerën e bursës dhe 2. Formimin e komisionit. Janë gjithsej 60 bursa që do të ndahen sipas kërkesës së DKA dhe vlera e një burse është 50 euro, tha z. Bacaj.

z. Asdren Ramadani: Përshëndetje. Propozimi im në KPF ishte që të ngritet bursa nga 50 euro në 70 euro. Arsye ishte sepse kanë lëvizur çmimet në gjithçka, të paktën ti përkrahim pak më shumë.

z. Valmir Bacaj, kryesues tha se askush nuk është kundër kësaj ngritje por është aprovuar në kuvend një rregullore prandaj çdo kërkesë që ka implikacione buxhetore duhet parë situatën financiare. Vitin e kaluar kemi pasur 40 përfitues ndërsa tani kemi 60.

**z. Arben Limanaj:** Edhe ne si grup e mbështesim propozimin e DKA për ndarjen e bursave. Propozimi I z. Ramadani është I mirë nëse drejtoria e DKA ka mundësi buxhetore dhe na thotë që janë mundësitë.

**z. Tunë Dedaj:** Përshëndetje të gjithëve. Propozimin e Asdrenit e kam përkrahur edhe unë në KPF por kam thënë që të shikohen mundësitë financiare. Nëse jo këtë vit , vitin tjetër të marrim vendim që të rritet vlera e bursës.

**z. Zenun Elezaj, kryetar I Komunës:** Përshëndetje të gjithëve. Rekomandimi I KPF-së është Brenda mundësive buxhetore. Në pikën tjetër e kemi KAB, ku është future si mundësi që të rriten bursat por për vitin e ardhshëm si dhe përfshirjen edhe të nxënësve si përfitues të bursave , në këtë kornizë afatmesme buxhetore.

z. Asdren Ramadani e morri përsëri fjalën duke thënë se të paktën të hiqet ndonjë projekt dhe të përkrahen studentët tanë.

**z. Esat Raci:** Si Grup Kuvendar e përkrahim plotësisht kërkesën e DKA-së. Sa I përket vlerës së Bursës arsyeshmerinë e dha asamblisti Ramadani. Le të rishikohet në gjashtë mujorin e dytë me rishikim të buxhetit kjo rritje e bursës siç u propozua.

Kryesuesi e vuri në votim propozimin e DKA-së.

**Me shumicë votash u Miratua kërkesa.**

Në vazhdim u diskutua Komisioni për ndarjen e bursave . Nga kuvendi do të votohen dy anëtarë, një nga pozita dhe një nga opozita.

**U propozuan : 1. Arlinda Selitaj. 2. Kushtrim Haliti. 3. Elbarim Morina. 4. Fatjona Gashi. 5. Të ëplotësohet nga Shoqëria civile**

**Me shumicë votash u MIRATUA**

**Pika 5 e Rendit të Ditës: Shqyrtimi dhe miratimi I propozim vendimit të drejtorisë së Urbanizmit, për iniciimin e procedurave për ndryshimin e hartave zonale të Komunës së Klinës.**

**z. Enver Berisha, drejtor I Urbanizmit:** Përshëndetje të gjithëve. Ne ju kemi referuar kuvendit me një pikë të rendit të ditës për ndryshimin e hartave zonale. Ne kemi shënuar në material edhe në çfarë pikash është e nevojshme ndryshimi. Ky është vetëm iniciim e në të ardhmen do të vije drafti.

**Pa asnjë votë kundër, asnjë abstenim me 25 vota për U MIRATUA iniciimi I procedurave.**

**Pika 6 e Rendit të Ditës: Raporti i dëgjimeve publike për draft buxhetin 2024-2026**

Kryesuesi Bacaj tha se është pranuar nga drejtoria Draft buxheti si dhe qarkorja buxhetore nga ministria e Financave.

Në këtë pikë të rendit të ditës fjalën e morri z. Zafer Gashi I cili tha se është I kënaqur me interesimi n e qeverisë për investime në këto vite dhe ndarja e buxhetit nëpër komuna . “Besoj që me një profesionalizëm do të krijohet një plan që do të jetë në të mirë të zhvillimit të komunës” tha mes tjerash z. Gashi.

**z. Enver Berisha, drejtor I FEZH:** Obligimet e tona që I kemi si drejtori bashkë me ekzekutivin, këtë plan e kemi hartuar bazuar edhe në parametrat e më hershme bashkë edhe me bordin e drejtorëve. Ju kisha lutë që ju si asamblist të jeni prezent gjatë këtij procesi të KAB të merrni pjesë dhe kontribuoni. Krejt kjo me qellim që të bëhet një buxhet I duhur dhe të dihet që ai buxhet është ëpr një vit dhe nuk mund të ndryshohet sa herë të duam ne. Pra, ju ftoj që nga 15 qershori të jeni në zonën tuaj dhe të jeni pjesë e debatit.

**Me 24 vota për, asnjë kundër dhe asnjë abstenim U MIRATUA**

**Pika 7 e Rendit të Ditës: Pyetje dhe Përgjigje**

**z. Esat Raci:** Kam dy pyetje. 1. Deri ku kanë shkuar kërkesat e qytetarëve të dëmtuar nga vërshimet? 2. Komuna e Klinës nga një indeks që ka dalë “Transparation internacional” ka dalë diku nga fundi-çka ka ndikuar të jetë aq poshtë?

**z. Zenun Elezaj, kryetar:** Sa I përket vërshimeve, raporti I aprovuar këtu në kuvend ka shkuar në qeveri dhe mesa dijet unë është afër vendim marrjes dhe të bëhet kompensimi. Sa I përket transparencës, janë dy prezantime. Në njërën jemi radhitur e 9-ta por ka shumë gabime dhe ne kemi bërë ankesë. Ne jemi në kërkim edhe të 20 poenëve shtesë që do të ndikoj në performancë. Nuk është vetëm ekzekutivi që vlerësohet , ka të bëjë edhe me kuvend.

**z. Zafer Gashi:** Janë dy tabela dhe nuk është e vërtetë që është e 9-ta komuna por diku e 20-ta. Pikë totale diku 74.28. Ajo që është shqetësuese ka të bëjë me krahasimin e transparencës që ka bërë KDI. Në vitin 2021 ka qenë 78.41% ose 69 pikë ndërsa në vitin 2022 ka ra % në 71.59 ose me pikë 63. Krahasimi janar-qershor 2021-2022. Kam një lutje të një qytetari të Perçevës. Aty janë duke u bërë disa investime rreth trotuarit dhe nuk janë duke shkuar punët sipas projeksioneve. Me kërkesë të qytetarëve kam qenë në Perçevë. Duhet të lëshohet një qarkore dhe të shpjegohet se asnjë person, militant partie nuk mund të prezantohet si kryetar I fshatit dhe të bëjë ndërhyrje. Nuk janë zgjedhur kryetar e fshatit akoma.

**z. Zenun Elezaj, kryetar:** Me datë 19. 04. Kam lëshuar vendimin për kompensimin e qytetarit Sokol Gashi. Tek Perçeva, vazhdimisht I përgjigjem kërkesave të qytetarëve. Ne bashkëpunojmë me çdo qytetar dhe kërkesat e tyre I trajtojmë seriozisht. Metrat në atë trase të shtegut nuk kanë me munguar kurrsesi. Kemi pasur shqetësime prandaj kam shkaur tre herë në Përçevë. Aty ku ka dalë pengesë muri rrethues i oborreve që nuk e kemi rrënuar.

**z. Enver Berisha, drejtor I Urbanizimit:** Çdo gjë që tha kryetari është e saktë. Projekti I ka paramasat dhe sa I përket cilësisë së punimeve është një komision vlerësues që do ta kontrolloj.

**z. Zafer Gashi:** Kam pyetje pasi që është edhe komandanti I policisë. Një prind ka ardhur dje bashkë me fëmijën e vet dhe ka kërkuar që të bëjë test droge. Ju lutem që të kontrollohen objektet ku I frekuentojnë fëmijët. Krejt kjo si duket ka pasoja e shëtitjeve të nxënësve në Shqipëri. Shëtitja e

fundit e SHFM " Fehmi Agani" nuk ka qenë e mirë dhe shumë nga nxënësit kanë frekuentuar disko etj.

Fjalën ja ndërprejnë kryesuesi duke sugjeruar që pika e rendit është pyetje dhe përgjigje duke sugjeruar që të jetë konkret me pyetje nëse ka.

**z. Arben Limanaj:** kam edhe një pyetje edhe shqetësim për drejtorin e urbanizimit. Sa metra rrugë do të asfaltohen në Cabiq dhe Caravik? Kam marr disa shqetësime nga banorët e këtyre dy fshatrave për selektimin e banorëve- lagjeve. Pse po ndahen familjet , dikujt i shtrohet rruga e dikujt jo?

**z. Enver Berisha, drejtor i Urbanizimit:** Nuk mendoj që po bëhen selektime. Ne jemi duke shtruar me asfalt të gjitha rrugët. Mund të jetë ndonjë lagje që nuk përfshihet por kjo s'do të thotë që nuk do të përfshihet në projektin tjetër. Tani nuk e dijmë saktë sa metra rrugë do të shtrohen, do ta sjell këtë informacion seancën e ardhshme.

**z. Zenun Elezaj, kryetar:** Është shpallë procedura për pjesën e dytë të projektit dhe çdo rrugë në Caravik do të asfaltohet.

**Znj. Arta Pantina:** Në mbledhjen e komitetit për shërbime publike e kemi diskutuar projektin për ndriçim dhe shteg të biçikletave nga ura e Klinës deri tek qyteti i Klinës. Dëshiroj të dijmë se sa është kosto e projektit dhe a ka me vazhduar projekti edhe në pjesën tjetër?

**z. Enver Berisha, drejtor i urbanizimit:** Kosto është 474 mijë euro është. Ndërsa për pjesën tjetër kemi bërë kërkesë ministrisë që të na ndihmoj. Punimet ajnë në përfundim e sipër, kemi pak vështirësi nga qytetarët veçanërisht nga afaristët.

**Znj. Arta Pantina:** A mundem me e dit se sa do të zgjerohet rruga në anën tjetër pasi që ndriçimi është vendosë afër rrugës.

**z. Enver Berisha, drejtor i urbanizimit:** Do të zgjerohemi me distancë të njëjtë dhe do të largohemi me një vijë të plotë nga trotuari që të ua pamundësojmë makinave të afrohen afër trotuarit. Mos ta paragjykojmë projektin para se të kryhet.

**z. Arben Limanaj:** banorëve nuk duhet të ju thuhet se këtë vit nuk jeni në projekt prandaj e kanë shprehë shqetësimin banorët. Më vjen mirë që është gjetur mundësia që të përfshihen të gjitha lagjet.

**z. Esat Raci:** Tani sa e morra një kërkesë nga një banorë i fshatit Shtaricë- si është gjendja e kanalizimit në këtë fshat dhe a ka defekte ?

**z. Enver Berisha, drejtor i urbanizimit:** Në fshatin Shtaricë ka pasur dëme të mëdha në kanalizim gjatë vërshimeve. Jemi në fazën e punimit të një projekti që të rregullohen dëmet e krijuara.

**z. Zenun Elezaj, kryetar:** Kontrata është firmosur sot. Besoj që nga nesër do të fillohet eliminimi i të gjitha pasojave të vërshimeve në Shtaricë.

Në vazhdim kishte një debat të shkurtër në lidhje se kush ka qenë më shpesh në fshatin Shtaricë, Esati apo drejtori Berisha.

**z. Tunë Dedaj:** Unë dua ta falënderoj kryetarin për punët që është duke I bërë. Për mua është punë e shkëlqyer trotuarin nga ura deri në hyrje të Klinës. Ndryçimi është shumë I mirë njëri është për qytetarët dhe tjetri për makinat. Po ashtu edhe trotuari në drejtim të Skenderajt është shumë I mirë dhe do të doja që trotuare të tilla të ndërtohen edhe në drejtim të fshatrave Krushevë e vogël si dhe për Jagodë.

**z. Esat Raci:** Realisht çdo qytetar dhe ne si asamblistë punëve të mira I gëzohemi. Ndryçimi për autokombaja dhe mjetet të rënda është pengesë në rrugën Ura e Drinit- qytet.

**z. Zenun Elezaj, kryetar:** I kemi parasysh të gjitha këto shqetësime prandaj në anën e djathtë do të zgjerohet rruga për 1.5 metra por ende nuk I kemi të gjitha të dhënat se sa do të jetë sipas kontratës ekzistuese.

**z. Tunë Dedaj:** Respekt për ty Esat por unë sa e dijë autokombajnat dhe mjetet e rënda qarkullojnë me përcjellje.

Pasi që nuk kishte pyetje të tjera nga anëtarët e kuvendit, kryesuesi z. Valmir Bacaj e shpalli të mbyllur mbledhjen duke falënderuar të gjithë për pjesëmarrje dhe kontribut.

Procesmbajtës:

Skënder Behramaj



Kryesuesi:

Valmir Bacaj

